



Համարը N 234
Տիպը Որոշում
Սկզբնաղբյուրը ՀՀՊՏ 1997.07.31/17
Ընդունող մարմինը ՀՀ կառավարություն
Ստորագրող մարմինը ՀՀ վարչապետ
Վավերացնող մարմինը ՀՀ Նախագահ
Ուժի մեջ մտնելու ամսաթիվը 10.08.1997

Տեսակը Ինկորպորացիա
Կարգավիճակը Գործում է
Ընդունման վայրը Երևան
Ընդունման ամսաթիվը 30.06.1997
Ստորագրման ամսաթիվը 30.06.1997
Վավերացման ամսաթիվը 30.06.1997
Ուժը կորցնելու ամսաթիվը

- Կապեր այլ փաստաթղթերի հետ**
- Փոփոխողներ և ինկորպորացիաներ**

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ՀՀ ԱՆՇԱՐԺ ԳՈՒՅՔԻ ՊԵՏԱԿԱՆ ՄԻԱՍՆԱԿԱՆ ԿԱԴԱՍՏՐԻ ՎԱՐՉՈՒԹՅՈՒՆ ՍՏԵՂԾԵԼՈՒ ԵՎ ԱՆՇԱՐԺ ԳՈՒՅՔԻ ՊԵՏԱԿԱՆ ՄԻԱՍՆԱԿԱՆ ԿԱԴԱՍՏՐԸ ՎԱՐԵԼՈՒ ՄԱՍԻՆ

«Վավերացնում եմ»
 Հայաստանի Հանրապետության
 Նախագահ Լ. Տեր-Պետրոսյան
 30 հունիսի 1997 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

30 հունիսի 1997 թվականի N 234
 քաղ. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆՇԱՐԺ ԳՈՒՅՔԻ ՊԵՏԱԿԱՆ ՄԻԱՍՆԱԿԱՆ ԿԱԴԱՍՏՐԻ ՎԱՐՉՈՒԹՅՈՒՆ ՍՏԵՂԾԵԼՈՒ ԵՎ ԱՆՇԱՐԺ ԳՈՒՅՔԻ ՊԵՏԱԿԱՆ ՄԻԱՍՆԱԿԱՆ ԿԱԴԱՍՏՐԸ ՎԱՐԵԼՈՒ ՄԱՍԻՆ

Համաձայն «Անշարժ գույքի մասին» Հայաստանի Հանրապետության օրենքի 25 հոդվածի, Հայաստանի Հանրապետության կառավարությունը *որոշում է*.

1. Ստեղծել Հայաստանի Հանրապետության անշարժ գույքի պետական միասնական կադաստրի վարչություն պետական կառավարման հանրապետական մարմնի գերատեսչության կարգավիճակով:
 Անշարժ գույքի պետական միասնական կադաստրի վարման լիազորված պետական մարմնի իրավասությունը վերապահել Հայաստանի Հանրապետության անշարժ գույքի պետական միասնական կադաստրի վարչությանը:
(1-ին կետը փոփ. 17.06.98 N 373)
2. Սահմանել, որ անշարժ գույքի պետական միասնական կադաստրի վարումն ընդգրկում է անշարժ գույքի հաշվառումը, գնահատումը և գրանցումը:
3. Բոլոր կատեգորիաների հողերի, ամրակայված գույքի գնահատման, համակարգված դիտարկումների անցկացման մեթոդիկաները հաստատում է Հայաստանի Հանրապետության կառավարությունը՝
 - ա) գյուղատնտեսական հողատեսքերի համար՝ Հայաստանի Հանրապետության գյուղատնտեսության նախարարության ներկայացմամբ՝ համաձայնեցված Հայաստանի Հանրապետության անշարժ գույքի պետական միասնական կադաստրի վարչության հետ.
 - բ) բնապահպանական նշանակության, ջրային ֆոնդի հողերի համար՝ Հայաստանի Հանրապետության շրջակա միջավայրի նախարարության ներկայացմամբ՝ համաձայնեցված Հայաստանի Հանրապետության անշարժ գույքի պետական միասնական կադաստրի վարչության հետ.
 - գ) բնակավայրերի հողերի համար՝ Հայաստանի Հանրապետության քաղաքաշինության նախարարության

ներկայացմամբ համաձայնեցված Հայաստանի Հանրապետության անշարժ գույքի պետական միասնական կադաստրի վարչության հետ.

դ) մյուս կատեգորիաների հողերի, շենքերի, շինությունների համար՝ Հայաստանի Հանրապետության անշարժ գույքի պետական միասնական կադաստրի վարչության ներկայացմամբ:

(3-րդ կետը փոփ. 10.10.19 N 1442-Ն)

4. Անշարժ գույքի պետական միասնական կադաստրի վարմանն աջակցելու նպատակով համայնքների վարչական սահմաններում գտնվող հողերի, ամրակայված գույքի ընթացիկ հաշվառումը և հողային հաշվեկշռի կազմումը կատարում են տեղական ինքնակառավարման մարմինները, Երևան քաղաքում՝ Երևանի քաղաքապետը:

5. Համայնքների տարածքներից դուրս գտնվող մարզերի վարչական սահմաններում գտնվող հողերի, ամրակայված գույքի ընթացիկ հաշվառումը և հողային հաշվեկշռի կազմումը կատարում են մարզպետները:

6. Բազմաբնույթ կադաստրի (գյուղատնտեսական, բնապահպան, անտառային, քաղաքաշինական, կապի, տրանսպորտի, հուշարձանների և այլն) վարումն իրականացնում են համապատասխան պետական կառավարման հանրապետական և տեղական ինքնակառավարման մարմինները (Երևան քաղաքում՝ Երևանի քաղաքապետը)՝ տվյալ մարմնի խնդիրների և գործառնությունների իրականացման ապահովման համար հավաք տվյալներ ստեղծելու նպատակով:

7. Հայաստանի Հանրապետության անշարժ գույքի պետական միասնական կադաստրի վարչությանը՝ մեկամսյա ժամկետում սահմանված կարգով Հայաստանի Հանրապետության վարչապետին ներկայացնել առաջարկություններ վարչության կանոնադրության և կառուցվածքի, կենտրոնական ապարատի աշխատողների թվաքանակի, խորհրդի կազմի և վարչության պետի տեղակալների թվաքանակի վերաբերյալ:

8. Հայաստանի Հանրապետության արդարադատության նախարարությանը և Հայաստանի Հանրապետության անշարժ գույքի պետական միասնական կադաստրի վարչությանը՝ երկամսյա ժամկետում սահմանված կարգով Հայաստանի Հանրապետության կառավարություն ներկայացնել առաջարկություններ՝

ա) անշարժ գույքի պետական միասնական կադաստրի վարման կարգի վերաբերյալ.

բ) անշարժ գույքի պետական միասնական կադաստրի վարման կարգի հետ առնչվող Հայաստանի Հանրապետության օրենքներում և այլ իրավական ակտերում համապատասխան փոփոխություններ և լրացումներ կատարելու վերաբերյալ:

9. Հայաստանի Հանրապետության ֆինանսների և Էկոնոմիկայի նախարարությանը՝ մեկամսյա ժամկետում Հայաստանի Հանրապետության կառավարություն ներկայացնել առաջարկություն Հայաստանի Հանրապետության անշարժ գույքի պետական միասնական կադաստրի վարչության 1997 թվականի պահպանման ծախսերի վերաբերյալ՝ ըստ տնտեսագիտական դասակարգման:

10. Հայաստանի Հանրապետության կառավարության աշխատակազմին՝ տասնհինգօրյա ժամկետում Հայաստանի Հանրապետության կառավարություն ներկայացնել առաջարկություն Հայաստանի Հանրապետության անշարժ գույքի պետական միասնական կադաստրի վարչությանը վարչական շենքի, գույքի, կապի և տրանսպորտային միջոցների հատկացման վերաբերյալ:

11. Հայաստանի Հանրապետության քաղաքաշինության նախարարությանը՝ Հայաստանի Հանրապետության անշարժ գույքի պետական միասնական կադաստրի վարչության ենթակայությանը հանձնել «Անշարժ գույքի տեխնիկական գույքագրման և պետական գրանցման հանրապետական ձեռնարկություն», «Անշարժ գույքի տեխնիկական գույքագրման և պետական գրանցման ձեռնարկություն» և «Անշարժ գույքի միասնական կադաստրի ծրագրերի իրականացման կենտրոն» պետական ձեռնարկությունները:

Հայաստանի Հանրապետության քաղաքաշինության նախարարության համակարգի պետական ձեռնարկություններում առկա անշարժ գույքի վերաբերյալ նյութերը հանձնել նշված վարչության տնօրինությանը:

12. Հայաստանի Հանրապետության գյուղատնտեսության նախարարությանը՝ եռամսյա ժամկետում Հայաստանի Հանրապետության անշարժ գույքի պետական միասնական կադաստրի վարչության տնօրինությանը հանձնել հողի սեփականության և օգտագործման իրավունքի պետական ակտերի վերաբերյալ նյութերը:

**Հայաստանի Հանրապետության
վարչապետ**

Ռ. Քոչարյան